

榮河縣志卷一

考一

二十六年徵集之書

沿革

榮河上古爲綸邑

博物記曰汾陰古之綸少康邑府志詳辨其非但考會盟圖地道記指綸爲上古封國又府志地表於綸國下注黃帝臣伶倫封路史爲綸則榮河之爲綸非少康所邑之綸爲上古封國之綸彰彰明矣

陶唐在冀州境內

榮河縣志

卷一

沿革

一

有虞在王畿內

夏爲甸服地

府志孔甲居於西河在今河津榮河間

商爲冀州侯國地

西周爲耿國地

府志耿嬴姓古伯翳後國杜征南云皮氏縣東南有耿鄉今河津縣及榮河縣爲其故地

東周爲晉國地

按周釐王時武公滅晉爲諸侯至武公子獻公滅耿地始屬晉

戰國爲魏汾陰地

秦仍爲汾陰屬河東郡

漢置汾陰縣屬河東郡隸司隸校尉部

西晉劉淵竊據省歸蒲坂縣仍屬河東郡隸司州司隸校尉部

北魏復置汾陰縣屬北鄉郡隸秦州又隸南汾州

北周仍爲汾陰縣屬蒲州

府志西魏大統四年周文以兵渡河攻高氏其秦州降遂略定汾絳改秦州置蒲州汾陰屬焉而通志地表汾陰不屬蒲州別置汾陰郡隋志亦云舊置汾陰郡開皇初廢

榮河縣志

卷一

沿革

二

隋仍爲汾陰縣屬蒲州河東郡義寧元年以汾陰龍門置汾陰郡唐武德元年曰秦州州廢仍爲縣開元十年以地得寶鼎之祥遂

改汾陰爲寶鼎屬河中府州即備隸中都河東道次畿

宋大中祥符四年有榮光羃河之瑞改寶鼎爲榮河置慶成軍屬陝西路尋廢仍隸河中府縣治置軍使次畿

金改置榮州仍爲縣屬河中府隸河東南路

通志金貞祐三年升榮州以河津萬泉隸焉有黃河汾水雕邱

元初廢州復縣

元仍爲榮河縣屬晉寧路河中府隸河東山西道肅政廉訪司

明仍爲榮河縣屬平陽府蒲州隸山西布政司

清仍爲榮河縣屬平陽府蒲州雍正六年陞蒲州爲府仍屬焉隸

山西布政司

按後漢志河東皮氏有耿鄉晉獻公滅耿杜征南注云平陽皮氏縣東南有耿鄉地記又曰皮氏縣汾水南是故耿國也今之河津即漢之皮氏縣其南境與西南境距榮河不過三十餘里古以水南爲陰榮河在汾水故道之南故舊名汾陰則榮河之爲耿地無可疑者彼云耿鄉在皮氏東南者特以所都處言之不得謂南境西南境在三十餘里內之榮河地非故耿封疆也

榮河縣志

卷一

沿革

三

至祖乙之未嘗遷耿府志辨之詳矣不復附載

民國紀元廢府存道以榮河縣直隸河東道九年因河水爲患遷

馮村即今之縣城

詳城池考

十六年道缺裁撤縣名仍舊直屬山西

省政府茲列表如左

時代名	郡國名	縣名	隸屬之部
上古		綸邑	
陶唐			冀州
有虞			王畿
夏			甸服地

按通志於輿地之沿革爲圖爲譜爲考不厭求詳誠以郡邑名稱代有更易若不詳考其累代之異同與夫隸屬之系統區域劃分歸併之始末恐未能確定疆域之位置故上表自上古以至民國以次列叙俾閱者易于明瞭

疆域

附津梁

榮河縣舊治在蒲州府北少東一百二十里東西廣四十里南北袤八十里今治在山西省城西南九百六十里距蒲州一百四十里 通志南北袤八十五里府志與此同

舊治東至猗氏縣界陳庄村四十里自猗氏縣界東南至猗氏縣榮河縣志

卷一

疆域

五

治三十里今治東至陳庄村三十三里自猗氏縣界東南至猗氏縣治三十里 通志府志東至萬泉縣界四十里恐誤

舊治南至臨晉縣界潘西村三十里自臨晉縣界少東至臨晉縣治二十五里今治南至臨晉縣界張家營五十里自臨晉縣界少東至臨晉縣治三十里 府志南至臨晉縣界三十五里通志與此同

舊治西至黃河岸八里 通志西至黃河岸二里府志西至黃河九十步今治西至汾河岸八里踰汾再渡黃河接陝西韓城縣界周村自韓城縣界至韓城縣治十五里

舊治北至絳州河津縣界張家堦五十里自河津縣界至河津縣治三十里今治北至河津縣界張家堦三十里餘與舊治同

舊治東南至臨晉縣界蔡高村三十里自臨晉縣界至臨晉縣治三十里今治東南至臨晉縣界六龍鎮五十里自臨晉縣界至

臨晉縣治二十五里 通志府志東南至臨晉縣治六十里

舊治西南至黃河接陝西同州府郃陽縣界茶峪口二十五里自郃陽縣界至郃陽縣治四十里今治西南至黃河接陝西郃陽縣界茶峪口五十里餘與舊治同 通志舊城西南至陝西郃陽縣治七十里府志西南至黃河接陝西郃陽縣界五里

榮河縣志

卷一

疆域

六

舊治東北至萬泉縣界徐村四十里自萬泉縣界至萬泉縣治三十里今治東北至萬泉縣界徐村二十里餘與舊治同

西北至黃河接陝西同州府韓城縣界謝里坡二十里自韓城縣界至韓城縣治十五里 通志舊治西北至陝西韓城縣治三十里府志西北至黃河接陝西韓城縣界五里

自縣至南京二千餘里至北京

即北平二千里

按邑境廣袤及八方相距里數以通志府志考之多寡互有不符蓋古者分率準望之法既亡廣輪遠近多少之數莫由辨覈後世弓步之算不逮古法而又委之胥吏故往往失實即故牒

班班亦有無足據者矣至邑之西境舊邑志謂黃河逼城通志謂至河岸二里府志謂至河岸九十步實則當日河水浸刷不時變更故所記不能盡同今則縣治遷移河又西流昔之日崩月坼付諸波臣者現又變爲膏腴沃壤矣至邑境相距里數與前志所載不能盡同者亦各附注于後俾知今昔之異

附津梁

汾陰渡 舊在縣城北后土祠後金南陽郡王代祀汾陰所設今廢

白馬渡 在舊縣城南十里元尙書范國英因用兵設今廢

滎河縣志

卷一

疆域

七

西頭渡 在西頭村西對韓城之芝川鎮秦晉商民往來皆由此渡河

按今之廟前渡正與芝川鎮對照爲秦晉商民往來官渡前清時設有廟吳釐金總局民國設有廟吳統稅局又稽查隊部十年南京政府統一稅制將統稅局裁去僅有稽查隊部駐紮或卽西頭渡與汾陰渡合併之沿革也

榮河縣志卷二

考二

山川 附形勝

榮河縣境居晉省極西南隅西臨大河素無名山可紀惟峨眉坡自萬泉衍而西至舊治即寶鼎鎮擁護城東上多平原東南一峯差聳曰靈吉 山南坡曰亞夫土人傳亞夫屯軍于此曰番底距城十里達臨晉運城道曰高村又南爲白馬廟爲師家堦 山北坡曰寺坡曰風坡曰倉里曰長坡又北爲后土廟爲往新城

即今縣治必由之路

榮河縣志 卷二 山川

一

按縣境南北八十里皆依原爲輔高卑不一上極平衍邑凡一百四十九村居原上者一百十二村居原下者三十七村民國七年村庄另行改編邑凡一百五十九村居原上者佔三分之一二居原下者佔三分之一從原上之最高處俯瞰邑之極卑處深溝巨壑層累環疊顯然三級溝之大者名曰百峪溝其他小溝詳溝洫考

朔坂漢泉經流坂西 按水經注漢水西南流歷朔坂西流注于河今無所謂朔坂者通志山川門載隸榮河縣境或卽峨眉原之別名耶

黃河在縣西自龍門而下由河津入境行縣境八十里其西岸爲
陝之韓城邵陽南入臨晉縣境

汾河在縣西北源出寧武分水嶺經太原汾州平陽入絳州稷山
由河津入縣境古以水南爲陰故縣舊爲汾陰地至唐改汾陰
爲寶鼎元和郡縣志云汾水在寶鼎縣北二十五里榮河志云
汾水在縣北后土祠旁西流入於黃河水經注所謂河南出龍
門口汾水從西來注之者也明隆慶四年河既改道同時汾亦
東徙由河津縣葫蘆灘南入河自民國十八年黃河西去只留
汾水傍岸東流今在廟前鎮西三里餘併入黃河

榮河縣志

卷二 山川

二

一

漢魁泉在縣南二十五里南趙村洳沮方丈郭恒農山海經注云
河東汾陰有漢水源在地底瀆湧出其深無限名之曰漢馮
翊邵陽縣復有漢亦如之相去數里而夾河又河渚上復有漢
源皆潛通在汾陰者人壅其流以爲陂種稻呼其本出處爲漢
魁此正在榮河者也其泉久隱明時邑令侯祁相地脉掘得之
泉濱河後河移徙不常今復失其出又一泉在舊縣署廳事後
當宋眞宗祀汾陰禮成詩碑東北隅旁侯祁得之作遇泉記今
湮塞乾隆三十三年春縣署內堂前墀磚缺處忽水滲漉盈寸
挹之旋滿殆即漢泉之異出者歟民國十年河水漲溢縣署遷

移遺址頽垣鞠爲茂草泉亦淤塞矣

按明一統志漢泉有五陝之郃陽有四臨晉有一大似車輪時恒沸湧里人因立神淵廟又曰漢泉有三一在臨晉一在同州一在郃陽而初不及滎河殆未細考也惟喬潭雙漢泉賦曰始開雙鳳發輝于汾魏之郊是滎河臨晉二漢魁卽雙鳳也隋楊尙希爲蒲州刺史甚有惠政引漢水立隄防開稻田數千頃在滎者其一處矣嗣因代易時移而今遂廢今縣長范茂松蒞任伊始勤政愛民謂地不愛寶水利宜興曷可任其淤塞遂令附近村長副注意疏掘開渠溉田將來甘泉湧出浩瀚汪洋植蓮

滎河縣志

卷二

山川

三

種稻洵滎民莫大之利也不禁企足望之

南屈村之泉頗覺暢旺自東繞西足資浸灌至於北辛庄之泉王信村之泉孫石村之泉均因崖壓涸竭不復流出而土人亦不知研求水利任其湮沒惜哉

附形勝

峨眉東環洪流西帶北連汾水南接百峪遠峙孤山之秀近依雕

土之滎

縣志

汾水之曲巨河之濱故魏之國都舊晉之疆土地形詭異神道依憑中斷洪流揭成高阜俯聯修壤崛起而崔嵬下望平臯斗絕而

盤鬱

宋祀汾陰碑

原隰相屬彌迤而龍鱗堆阜孤標岬岫而雲臺靈掌標于巨嶽素汾合于洪河逸勢奔趨迅湍激射綿億載而隆起無流壤之微潰堅如挂於碣石危若冠於靈山廣袤屈盤崢嶸詭異宛同天造允

謂神區

舊志

溝洫

左氏傳曰田有封洫註洫田間水道也榮邑地多高原田間無水每至五六月間大雨時行汗漫衍溢隨坡直下橫暴衝決化平地爲溝壑愈刷愈長愈冲愈深下流民田受其害者不可勝數值此

榮河縣志

卷二

溝洫

四

科學發明時期曾無人計及水利開渠溉田良可惜也茲將全境溝渠就考察所得者記載明晰以便留心水利者有所借鏡新城西北隅爲五星庄毗連西孫石村有溝二孫家崖寺后村有溝三溝上崖嘴有古寺故名寺后北百祥南百祥有溝六二村之間有商湯王墓前清時每屆三年一大祭上王信下王信秦村取村羅池五村有溝十一皆無水有則流入河惟羅池村南有齊家溝又名泉水溝東接楊蓬村王胡庄頭李家庄四村外由萬泉縣屬吳薛村來坡水入溝下流經東南光華南北火上小屈東師村支分派別交流會合同歸于此溝夏秋之交遇大雨水勢洶湧高約二

三丈漂沒廬舍冲滾碌礫及方方四五尺之堅硬土球同入於深闊之溝壑而數村人民收穫頓為減少此齊家溝所以為榮邑第

二大水溝也西庄子有溝五大溝後溝黑豆溝小砂石范村有溝四文星

子台溝后按子園溝優均東接張村合庄村西之水暨東師村東庄村平

地之水交流一處會於大佛殿塔南而出水泉溝口西流入河泉

水近年塞閉未能興利此水泉溝實為榮邑之第四大水溝齊家

以南有溝三甲店溝小臨河村有溝五村東溝西溝牛旋溝花南辛

庄有溝四秋樹溝二劉村有溝六北溝官鑑溝南上朝

村北一溝通王家巷村南一溝通羅家壕再南有溝四鄭家溝南

榮河縣志 卷二 溝洫

溝斜口周王村村西有溝九后溝多峯溝沙溝橋兒溝下類多

支流西至廟前鎮鼎新村南經閻村大用村南北中和村倉里村

有溝二樊家溝溝水圍繞村之南北合流入河此外陳家溝麻子

溝王家溝馬家溝尖角溝夜遊溝牛截溝花村溝清水溝南坡溝

及寶鼎鎮東之十八坪溝風坡溝蔡家溝礅砣塔溝下地溝四坡

溝田家溝野虎坡溝社南邱家庄之東溝瓦渣溝圪塔溝窰兒溝

南楊家坡百峪溝均延長數里十數里不等深廣數丈夏時雨水

暴下滾滾奔流而入于河新城西南隅原屬周王里庄之溝渠約

距新城二里雨水潦時崩陷平地少則一二畝多則十數畝此溝

東接高坡上由萬邑至杜村賈村廟西經鄭村鄰居貴鸞和庄張村並新城八處之水民國十二年大雨驟至汪洋浩瀚衝毀城西南平地數十畝並壞城南門樓及雉堞又往南流經周王坑西南北二楊家坡四坑東四里庄謝村東連高坡上吳村魚村小謝王正范家庄吳庄西趙庄衛楊庄從溝西流張家郝家兩庄而通百峪溝口此百峪溝實爲榮邑第一大水溝也溝口堰高八九丈闊四五丈水大之時氣撼山嶽聲震天地頃刻間有壞村落爲邱壑推崖岸爲平壤者蓋溝闊而深多而長高坡之水非此溝不能容納惜發洩甚速不能蓄蓄以溉田耳邱家庄東有溝六沙溝高溝肥溝

榮河縣志

卷二

溝洫

六

家溝師家溝南溝南樊村有溝四子溝溝大溝楊董村有溝二桃樹溝

河臨北百底南百底共四溝北趙村南趙村共三溝安昌村北有

一溝名牛村溝東通西里村經牛村村南環繞安昌村北溝口古有利涉橋村東之溝中溝之端有一鳳凰山上建玉皇廟三溝之水交會一處環繞安昌村南名師家溝村西又有三溝水台局名麻子溝安昌溝嚴家溝師家村有馬坪溝屈村有南溝周家溝二溝之南又有七溝北第三溝水大又有泉水水甚清湛能澆老岸地二十餘畝灘堰七八尺高近村處高約二丈屈村西靠黃河南臨老灘東溝高原之水自竹家庄王顯庄經楊林庄孫吉鎮南辛

庄大王小王兩村賈村引村蔡高東西蔡村天行程村南周烟村至謝公村從溝下流同歸於屈村以南爲榮邑第三大水溝也此水經村雖多不甚洪漲其故一由平原之地多有低窪之處一由人能幫堰聚水以殺水勢由是論之人能築隄堰以防水或鑿池沼以瀦水則可以去水害而興水利自不至旁溢橫決新城東北有村曰鄰居南北二巷之水以寺溝水大沖動一半丈堅硬之土塊出溝口二三尺愈沖滾愈化小再經大雨擊之日光曬之化成料确村人善用此土者往往以之鑿池井東北李家坡偏出一凸東西長五里南北闊並溝二三里有溝五曰吳薛溝丁村溝活眼

溝樊面溝桑樹溝裴庄居縣境北邊村北溝水界榮河河津向北流貫阮家灣而入於河李家坡東南北皆屬萬邑村庄惟西達薛稽鎮村外多低周圍皆高水不能外溢故無水患貴鸞村有二溝曰丁家溝慕家溝往南二十七里至郝家庄七十六溝北溝四溝窄溝鴨兒溝堡子溝小溝大溝李家溝潦長溝周家溝條子溝深鼻溝南溝王家溝東溝寺北溝寺溝東溝子溝糧食溝周王村東有三溝曰大溝小溝窪低溝往南至坑西有馬家坡溝里庄溝等二十餘溝共一百溝因名百峪溝俗名百溝其餘一百數十溝之水均歸百峪溝此榮河全境溝壑之大概也總之榮邑土厚水深無

所謂洫也而溝則處處有之有相距不滿一里者有長至二十餘里者一遇大雨平地之水流蕩入溝年復一年不設法堵禦固不徒舊有之溝不能樹藝五谷而平原之地亦不免崩裂而成溝溝之長且深者莫如百峪溝夏月暴雨驟至諸溝之水滙注其中而入于河稍不預防近溝村庄往往受水之害秋田菜蔬都被水淹至城之東北地勢高峭溝水分流之處指不勝屈惟四溝之水氾濫田野順大道直流城之西北隅前任曾知事廣欽懼城內居民並房舍遭水患故於城牆外之周圍鑿修海壕以洩其勢又於近城處督修水道延長數里導水漸流於溝而入於河用意甚是而稍減矣

榮河縣志卷三

考三

城池

附工廠局所學校廟宇

榮邑城池舊在汾隄

即今廟前

南十里西臨黃河東依帽嶺隋文

帝開皇初築元至正十四年主簿邢天傑修周九里八步池深一

丈五尺城勢東高西低池為坡水積年浸漫泥沙壅塞平坦可越

明景泰初知縣于縉修成化中知縣馬懋加修正德二年河水至

城下圮西北隅知縣宋緯築補止開東南北三門城內東西空闊

無居民嘉靖二十七年知縣楊灝起築東西二面短牆遺空地於

榮河縣志

卷二

城池

一

外三十四年地震城圮知縣侯祁築雉堞俱易以磚增三門樓南
北各建重門編修張四維記萬歷七年知縣郝朝臣開西門建小
亭於門上八年知縣沈名實以土塞之二十九年知縣梅煥復開
西城近河灘濕易崩崇禎十二年知縣王心正別築西城於西門
內棄舊城於外周圍八里清康熙元年秋淫雨四十餘日雉堞盡
圮知縣張錫文修葺三月乃成四十六年知縣梅夢紱重修民國
以來大河東侵屢遭河患修不勝修邑紳潘親禮等建議於臨時
縣議會招集各機關人員及城鄉士紳會議咨請縣知事秦汝梅
轉呈 上憲旋蒙核准以為張皇補苴權宜一時不若圖謀遷徙

一勞永逸嗣經張知事鸞詔程知事桂芬先後呈准迨民國七年知事陳啟緒會同道委集紳計畫成書呈奉 省憲核准由解省地丁項下截留三分之一作爲建築費並指定遷移地點爲北鄉馮村九年知事曾廣欽蒞任又奉省批准撥給洋二萬九千元以資應用不足之數由闔縣人民攤款補助是年十二月二日隨即攜帶印信文卷率同掾屬及各機關人員星夜移徙暫借村內舊有之后土廟爲縣公署其警察所及各機關均借廟宇而居改舊城爲寶鼎鎮十年興工購置民田劃分段落按丁撥夫按糧攤款並拆毀舊縣署所有之磚瓦木石暨一切官有公有之西督捕廳

榮河縣志

卷三

城池

二二

東城守營貢院文廟城隍廟而益以臨時購置之材料建爲新式之縣政府及各機關特城上女牆均係土築似不堅鞏城門凡四南曰迎薰風北曰望龍門東曰仰泰岱西曰瞻幽岐城周三里又一百六十八丈高二丈二尺基厚二丈面廣一丈二尺池深一丈廣二丈牆外護城地一丈四尺又在城西北距城數十步購有四尺寬之水路直接疏通張村南面來水以防水患十一年春工告竣約費大洋壹拾萬元十二年夏大雨城東坡水暴下陡漲衍溢城壕水滿南城門樓及周圍雉牆多圯十六年秋知事郭象蒙邀集邑紳重議修葺於四面城牆內各築土坡二南門雉堞及牆面